



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloqventiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

XVII. Parænesis ad imitationem virtutum Deiparæ Virginis.

urn:nbn:de:hbz:466:1-39028

coërcuit, ut cum eundem semel offendissent solitariū colloquentem ad puteum cum Samaritana Apostoli, ab insolenti spectaculo attoniti, qui cum muliere loquebatur, verbum effari non potuerint.

(*Quomodo Viri sanctitate celeberrimi muliebri consortium vitarent, vide in speculo Cleric.*) Vitandum

ergo consortium mulierum: item otium, ventris ingluvies; & lascivi oculorum conjectus sunt vitandi.

TERTIUM remedium est corporis asperior tractatio.

EXTREMUM, & cum præcipuis numerandum, est frequens usus S. Confessionis, & communionis: cum per

illam venenum, ab imprudentibus haustum, vomatur; hac autem, tanquam divino quodam Sole, libidinis uligo exarescat. Eamq; rationem primam existimo, cur ex oriente Christiana Religione tot Virginum, & Continentium examina da-

rent Ecclesiæ nomina: quia erant perseverantes in fractione panis, qui è cælo descendit. E veniebat enim, ut per assiduum usum SS. Eucharistiæ adhaerentes Deo, unius Spiritus efficerentur cum illo.

CONCLUSIO. Sed quia longius evecus sum, quã volebam, legam nunc lictus, & cum S. Chryostomo sic concludam: *Obsecro vos, viri Ecclesiastici, & ante genua vestra me provolvo, agnoscamus honorem quem dedit nobis Deus, & Paulum clamantem audiamus: Nolite effici servi hominum, & desinamus servire mulieribus ad animam nostram perniciem. Milites nos Christus esse vult strenuos nec propterea nos armis instruxit spiritualibus, ut circa lanas & stamina versemur, ut assideamus ad mulierculas rentes & textentes; sed ut diabolum percutiamus, qui contra nos militat, &c.*

XVII. PARÆNESIS AD IMITATIONEM virtutum Deiparæ Virginis.

IN EXORDIO ostendes, Deiparam Virginem esse dignissimam, cuius exemplum omnib⁹ omnino fide-

fidelibus ad imitandum proponatur, ex dicto hoc S. Chrysofomi: (*Hom. in Hypopant. Dom.*) Magnum venera Virgo hoc mundi miraculum est. Ecquid enim in rerum universitate queat hac majus aut sublimius inveniri? Sola hac cælum & terram amplitudine superavit. Quidnam illa sanctius? non Propheta, non Apostoli, non Martyres, non Patriarcha, non Patres, non Angeli, non Throni, non Dominationes, non Cherubin, non Seraphin, non aliud denique quippiam inter has res visibiles aut invisibiles una hac majus, aut excellentius inveniri potest.

PROROSITIO: Te igitur bonarum artium & pietatis studiosos, ad veras & varias huius Dominae & Patronae nostrae virtutes vita moribusq; exprimendas incitaturum.

CONFIRMATIONIS INITIUM duces à fundamento Virtutum HUMILITATE, ostendendo quàm admirandum in ejus exercitio humilima Virgo nobis præbuerit specimen, & quomodo hoc nobis sit imitandum. II. Propones admirandam Sanctissimæ Virginis FIDEM. III. SPEM, & modum eam imitandi. IV. CHARITATEM erga Deum, cum modo eam imitandi: & Charitatem erga omnes homines, etiam inimicos, V. OBEDIENTIAM, cum ratione eam imitandi. VI. CASTITATEM, ostendendo, quomodo cum primis castarum mulierum cultores eam possint imitari. VII. Externam MODESTIAM, in verbis & operibus, & modum eam imitandi. VIII. VOLUNTARIAM PAUPERIATEM, & modum eam imitandi. IX. PATIENTIAM; cum mediis & modis eam vita nostra exprimendi.

In EPILOGO, facta repetitione harum novem præcipuarum Deiparæ Virginis Virtutum, acriter incitabis Studiosos, ad diligentem eius imitationem, maxime quòd id Sanctissima Virgo ardentè petat, dicens: Imitatores mei estote, sicut & ego mei Domini & Filii Jesu Christi, & summa nostra necessitas requirat.

54 LAUS SS. EUCHARISTIÆ.

(Hoc Thema fusè pertractat R. P. FRANCISCUS ARIAS in Libello de imitatione Beatissimæ Virginis Mariæ.)

XVIII. DE LAUDIBVS SS.
Eucharistia.

EXORDIUM: Laudibus eos celebramus, qui nos aliquo beneficio affecerunt: longè maximæ Christo Servatori debentur, qui eiusmodi munus in nos contulit, quod Principum Regumque muneribus infinitis partibus præstat.

PROPOSITIO: *De huius præstantia, & utilitate diceste peroraturum.*

CONFIRMATIONIS I PARS. Præstantiam huius doni à comparatis convinces. PRIMÒ: Nam cum soleant parentes liberis, amici amicis, focii sociis, longam profectioem initari, res quasdam charissimas relinquere, quibus absentię suæ dolorem leniant; Christus seipsum nobis relinquit. Et cum Helias, igneo curru Paradisum petens, discipulo suo Helisæo pallium suum reliquerit: Christus nõ modo sanctissimam suam carnem, velut Divinitatis pallium, sed animam pariter nobilissimã admirabili Divinitate decoratam nobis reliquit. *Amplificari hic poterit immensa Dei charitas in mortales.* SECUNDÒ: Dignitas hæc declarari potest à Nominibus huic dono attributis. Nam tametsi septem sine nostræ Religionis Sacramenta, hoc tamen per Antonomasiã excellentiamq; singularem Sacramenti nomine sæpissimò appellatur. Dicitur etiam *Eucharistia, Sacrificium nove Legis, Communio, Viaticũ*: quæ nomina latius explicanda. TERTIÒ, hanc præstantiam res hoc Sacramento contenta declarat. Si Locis Sacris, si Sanctorum vestibus & cineribus, si veteris Testamenti Arcæ immensus honos deferebatur; quid non religionis *Eucharistia* debeat, quæ is, qui omnia fecit, comprehenditur à
ornabilis